

ԱՆ՝ ԺԽՏԱԿԱՆ ՆԱԽԱԾԱՆՑՈՎ ԲԱՂԱԴՐՈՒԹՅՈՒՆՆԵՐԸ
ԺԱՄԱՆԱԿԱԿԻՑ ՀԱՅԵՐԵՆՈՒՄ

Ս. Ա. ԳԱԼՍՅԱՆ

Ժամանակակից հայերենի ածանցների գիտական առաջին լուրջ բննութայնությունը տրված է մեծավաստակ հայագետ Մ. Աբեղյանի «Հայոց լեզվի տեսություն» աշխատության մեջ: Այդտեղ նկարագրվում են ածանցները, ի մի են բերվում նրանց ծագման ու առաջացման մասին տվյալները, բազմաթիվ արժեքավոր դիտողություններ են արվում ածանցման տեխնիկայի, ածանցվող հիմքերի, ստացվող բաղադրությունների բնույթի և ածանցմանն ու ածանցներին վերաբերող շատ այլ հարցերի մասին:

Հետագա ուսումնասիրությունները նվիրված են հիմնականում ածանցների ու ածանցավոր բաղադրությունների նկարագրությանը, երբեմն փաստական նոր նյութի բնութագրմամբ: Լեզվական իրակությունների հետազոտման նոր եղանակները հնարավորություն են տալիս շարունակելու ուսումնասիրությունները հատկապես ածանցման տեխնիկայի, ածանցավոր բաղադրությունների կառուցվածքային-բառակազմական կաղապարների, նախատիպ հիմքերի, բաղադրությունների բառակազմական նշանակությունների գոյացման և այլ խնդիրների ուղղությամբ: Ներկայացվող հոդվածը նման ուսումնասիրությունն մի փորձ է:

Ժամանակակից հայերենի աճ- առաջին ածանց ունեցող բաղադրությունները, ըստ իրենց ձևութային-բառակազմական բանաձևերի, բաժանվում են երկու խմբի. ա) բաղադրություններ, որոնց մեջ աճ-ը հանդես է գալիս որպես նախատիպ հիմքի առաջին բաղադրիչ (կառուցվածքային բանաձևը՝ (RB կամ RS) R. օրինակ՝ անամթաքար (մեկնաբանվում է որպես անամթ-արար), անասնաբույժ, անաբժեպություն, անբանություն, անխզելիորեն, անփորձարար և այլն. բ) բաղադրություններ, որոնց մեջ աճ- ածանցը (R) դրված է նախատիպ հիմքի (S) կամ նախատիպ արմատի (B) սկզբից (կառուցվածքային բանաձևը՝ (RB կամ RS), օրինակ՝ անազատ (ան-ազատ), անազդեցիկ, անաբժանալու, անբժշկելի, անընկճելի և այլն:

Մեռում է բառերի մի խումբ ևս, որի մեջ մտնող բաղադրությունները ձևականորեն կարող են մեկնաբանվել նախորդ երկու ձևով էլ, այսինքն՝ և՛ որպես RB կամ RS, և՛ որպես (RB կամ RS) R: Այդպիսի բաղադրություններից են՝ անակնկալորեն, անհրաժեշտականություն, անանջատաբար, անհիշաշարություն, անտեսանելիորեն և նման բառերը:

Քննարկենք վերոհիշյալ խմբերի բառերի կառուցվածքը և իմաստադրությամբ ընթացքը:

Առաջին խմբի բառերի կառուցվածքային-բառակազմական բանաձևերից երևում է, որ այդ խմբի մեջ մտնող բաղադրությունները ամենաբխիչը եռաբաղադրիչ են, այսինքն՝ նախատիպ հիմքերը (անամթ-, անասն- և այլն) կազ-

մըված են կա՛մ մեկ ածանցից ու մեկից ավելի արմատներից, կա՛մ մեկից ավելի ածանցներից և մեկ կամ ավելի արմատներից. մեկից ավելի ածանցներով ու մեկից ավելի արմատներով նախատիպեր չեզվական գործառության մեջ չկան, Կառուցվածքային բանաձևերը ցույց են տալիս, որ առաջին խմբի նախատիպ հիմքերը, որպես ինքնուրույն բաղադրություններ, նույնանում են երկրորդ խմբի բաղադրություններին և կքննարկվեն համապատասխան տեղում:

Պարզենք նախ այն բաղադրությունների խնդիրը, որոնք զուտ ձևական մոտեցման դեպքում կարող են մեկնաբանվել և՛ որպես RS, և՛ որպես SR կառուցվածքի բառեր: Նման բաղադրություններ կազմվում են հետևյալ ածանցներով.

ան---աբար (տալիս ենք բաղադրության առաջին և վերջին ածանցները), ինչպես՝ անգգուշաբար, որ կարող է մեկնաբանվել որպես ան-գգուշաբար և՛ անգգուշ-աբար, անգիտակցաբար, անբռնադատաբար, անբարեխղճաբար, անազնվաբար և այլն:

ան---ական. անգիտակցական, անգաղափարական, անբնական և այլն:
ան---ալես. անաբանալես, աներևութալես:

ան---ացի. անարդարացի:

ան---ելի. անգուգադելի, անզսպելի, անդիմադրելի, անգերազանցելի:

ան---իչ. անգոհացուցիչ, անբավականացուցիչ:

ան---որեն. անզգալիորեն, աներկմտորեն, անգիտակցորեն, անարդարորեն:

ան---ություն. անզիջողություն, անզգուշություն, անարտադրողականություն և այլն: Երկակի մեկնություն տեղիք են տալիս հատկապես այն բաղադրությունները, որոնց առանց ան-ի բառահատվածը չեզվում որպես ինքնուրույն, առանձին բառ գործածական է, ինչպես՝ ան-զգուշաբար, ան-գիտակցական, ան-աբանալես, ան-արդարացի, ան-զգալիորեն և այլն:

Այնհայտ է, որ նման բաղադրությունների՝ քննարկվող խմբերից ուրիշն պատկանելը զուտ ձևական-բառակազմական տեսակետից որոշել անհնարին է: Միակ ելքը բաղադրության բառակազմական նշանակության բացահայտումն է, այսինքն՝ առհրաժեշտ է գտնել կազմության նախատիպը և պարզել նրա ու վերջին բաղադրիչի իմաստային փոխհարաբերությունը: Վերցնենք, օրինակ, անզիջողականություն բաղադրությունը և այն ենթարկենք բառակազմական-ձևութային վերլուծության: Զուտ ձևութային վերլուծությունը ախտող մեզ օգնել չի կարող, որովհետև դրա միջոցով մենք զատում ենք միայն ձևութային միավորները (ան-զիջ-ողականություն), առանց նրանց հարաբերությունը բաղադրության մեջ պարզելու:

Բառակազմական-ձևութային վերլուծության դեպքում, բնականաբար, անզիջողականություն բառից զատվում է զիջ ձևութը (արմատ), որը -ող ածանցի հետ կազմում է առաջին նախատիպ հիմքը՝ BR: Այնուհետև, բառակազմական հաջորդ աստիճանում, հնարավոր է բաղադրել՝ զիջող-ական՝ (BR)R. այնուհետև՝ զիջողական-ություն՝ [(BR)R]R և ան-զիջողականություն՝ R{[(BR)R]}¹: Սակայն անզիջողականությունը կարելի է մեկ-

¹ Փակագծերը բառակազմական բանաձևերում ցույց են տալիս բաղադրման աստիճանականությունը:

նախանել նաև այլ կերպ, նախ՝ զիջող նախատիպ հիմքից՝ ան-զիջող՝ R(BR), ալոնուհետև՝ տնդիջող-ական՝ [R(BP)]R և հետո միայն անզիջողական-ու-բյուց՝ {[R(BR)]}R]R, որը և տվյալ բաղադրության բառակազմական-ձեռնարկին հիշատակաձևն է, քանի որ բառը նշանակում է անզիջողական լի-նելը: Իմաստագոյացման տեսակետից քննելով հիշյալ բաղադրությունները, տեսնում ենք, որ դրանց մի մասը ընդհանուր RS, մյուսները SR կառուցվածք ունեն: Առաջին խմբին են պատկանում ան-...-ելի, ան-...-ական և ան-...-իչ ածանցումով բոլոր բաղադրությունները. օրինակ՝ ան-հեղձանելի, ան-դիմադ-րելի, ան-դադափարական, ան-բանական, ան-անջատական, ան-բավականա-ցուցիչ (հզվդ.), ան-դոհացուցիչ և այլն: Երկրորդ (SR) խմբի մեջ են մտնում ան-...-ասլես, ան-...-աբար, ան-...-աբեն ածանցումներով բաղադրություն-ները, ինչպես և ան-...-ուրյուն բաղադրությունների մեծ մասը. օրինակ՝ անե-րևութապես, աներևակայելիորեն, անհանդուրժողաբար, անվայելաբար, ան-դարդացածություն, անզիջողություն և այլն:

Ասվածից բխում է, որ ելնելով բառերի՝ լեզվի տվյալ շրջանում գործուն իմաստից, հնարավոր է որոշել նրանց բառակազմական ո՞ր խմբին պատկա-նելու: Վերցնենք անշիճություն, անզիճություն և անտեճություն բաղադրու-թյունները: Ակնհայտ է, որ այս բառերը կարող են հասկացվել երկու կերպ՝ անշեճ լինելը, անտեճ լինելը, անզեճ լինելը և առանց շիճության, առանց տե-րության, առանց զիճության: Առաջին իմաստով կիրառությունները շատ ան-սովոր չեն արդի գրական հայերենում (Ջերմատան անշիճությունը չի անհամ-դրատացնում աշխղհիին, Զարմանք է պատճառում բրիգադիբի անզիճու-թյունը շինարարությունից): Երկրորդ իմաստով բառերը օգտագործվում են սովորաբար խոսակցականում, որտեղից և երբեմն ներթափանցում են գրականության մեջ ու բառարաններ: Ժողովրդական-խոսակցական կիրառու-թյուններ են անզրություն (Անզրություն ո՞ր ես գնում, բան չի դուրս գա), անհաղորդություն (հեղձը մեռավ անհաղորդություն), անկրթություն (Չընդուն-վեցի՛, հիմի էլ այսպես անկրթություն քարշ և՛ գալիս) և այլն: Բառարան է մտել անշիճություն ՇԽՆություն չունեցող, առանց շիճության: Ժողովրդախո-սակցական կիրառություններում, պարզ է, ունենք ան-գրություն, ան-հաղոր-դություն, ան-կրթություն (RS), իսկ գրականում (վերևի օրինակներում) ան-շիճ-ություն, անզիճ-ություն, անտեճ-ություն (SR) կառուցվածքները:

RB կամ RS կառուցվածքային ընդհանուր բանաձև ունեցող բաղադրու-թյունները կարող են կազմված լինել. 1. Ածանցից և նախատիպ արմատից. ինչպես՝ անազատ, անազնիվ, անամպ, անաբատ, անկուշտ, անդաճ, անչառ և այլն: Նման բաղադրությունների կառուցվածքային բանաձևն է RB: Նկատի ախտք է ունենալ, որ բառակազմական հարացույցներում նման բաղադրու-թյունները ազատորեն կարող են դիտվել որպես (RB)R₀ կառուցվածքի, այ-սինքն զրո բառակազմական ածանց ունեցող բաղադրություններով նախատի-պեր: Դա հատկապես դրսևորվում է ածանցների հոմանիշային շարքերում: 2. Ածանցից և նախատիպ հիմքից (RS):

Ըստ նախատիպ հիմքերի կազմության այս բաղադրություններն ունեն հե-տևյալ կառուցվածքային բանաձևերը՝

ա) R(BR), այսինքն՝ ան- ժխտական ածանցը դրված է մեկ արմատից և մեկ ածանցից բաղադրված նախատիպ հիմքի վրա: Այսպիսի կազմություն ու-

նեն անալի. անալիֆ. անախորժելի, անադուն, անանուն, անամրոց. անանձնական. անաշխարհիկ, անաբգասավոր և այլ բառեր:

բ) $R(BRR)$, որը կարող է ունենալ նաև $R[(BR)R]$ տարբերակը: Նման բաղադրություններ են՝ անանցանելի, անանցողական, անադղեցիկ և այլն: Տարբերակի կառուցվածքն ունեն անբուժակավոր (հզվդ.), անաբժանավոր, անբաժանելի, անբանականություն և այլ բառեր:

գ) $R(BRRR)$, որը կարող է ունենալ $R\{(BR)R\}R$ և $R(BRR)R$ տարբերակները. ինչպես՝ անանցանելիություն, անբաժանելիորեն, անզիջողականություն և այլն:

դ) $R(BB)$, այսինքն՝ ածանցը դրվում է երկարմատ նախատիպ հիմքի վրա: Նման կառուցվածքի բառերն ունեն երկու հիմնական տարբերակներ՝ հոդակապով, որ նշվում է $+$ նշանով՝ $R(B+B)$ և անհոդակապ (բաղադրիչների միջև $+$ նշանի բացակայությունը ցույց է տալիս հոդակապ չլինելը): Այսպիսի բաղադրություններ են՝ անախտակիր, անայլայլ, անբարբառ, անբարեբեր և այլն:

Այս կառուցվածքի տարբերակ են նաև այն բաղադրությունները, որոնց մեջ $R(BB)$ -ի փոխարեն ունենք $R(SB)$ կամ $R(BS)$, այսինքն՝ նախատիպ արմատների փոխարեն ածանցավոր նախանախատիպեր են դրված, ինչպես՝ անբարյացակամ, որի բանաձևն է $R\{(BR) + B\}$:

ե) $R(BBB)$ և սովելի արմատական բաղադրիչներով նախատիպերը գործածական չեն, չնայած լիովին հնարավոր են անանձնաբուժադատ, անելեկտրաբոցավառիչ և այլն բաղադրություններ, որոնք խիստ արհեստական են:

զ) $R(BBR)$, որի տարբերակներն են. 1. $R[B(BR)]$, 2. $R[(BB)R]$, 3. $R[(B+B)R]$ և այլն: Բաղադրությունների մեծ մասը վերջին երկու տարբերակների կառուցվածքն ունեն, ինչպես՝ անայլայլություն (2), անանձնասիրություն (3), անակնունելի (2), անբամբասելի (2), անաշխատասիրություն (3), անաբժասիրություն (3), անբարեհամբուսություն (3) և այլն:

է) $R(BRRR)$ և հետագա վերջածանցմամբ սովելի շատ բաղադրիչներով կազմությունները հազվադեպ են: Նման կառուցվածք ունի, օրինակ, անբարեկեցիկ բառը (կառուցվածքային-բառակազմական բանաձևը՝ $R[(B + (BR))R]$),

ը) $R(RB)$, այսինքն անփստական ածանցը դրվում է նախածանցով մեկարմատ նախատիպի վրա. ինչպես՝ անապագա, անապացույց, անառողջ, անանդադարձ, անբաղդատ: Օրինակներից երևում է, որ առկա է $R(R+B)$ տարբերակը:

թ) $R(RBR)$, ինչպես՝ անապացուցելի, անառողջություն (հզվդ.), անանդադարձիկ, անպարբերական, որոնց մեջ շատ են $R[R+(BR)]$ տարբերակի կառուցվածքները:

ժ) $R(RBRR)$, ինչպես՝ անառադրողաբար, անապացուցելիություն, անապակենտրոնացում (հզվդ.):

Հնարավոր են, իհարկե, նաև հետագա ածանցումներ, ինչպես՝ $R(RBRRR)$ անառադրողականություն, անառադրողականորեն, անապագգայնացում (հզվդ.), բայց նման բաղադրադրվածքները քիչ են գործածական:

Նշված կառուցվածքներից բոլորը չէ, որ հավասարաչափ տարածված են: Որպես ընդհանուր օրինաչափություն կարելի է նշել, որ առավել տարածված

ևն վերջածանցավոր կառուցվածքները և տարածվածությունը հակառակ համեմատական է բաղմաձևույթայնությանը, այսինքն՝ ինչքան քիչ բաղադրիչներ է պարունակում տվյալ կաղապարը, այնքան այդ կառուցվածքի բառերը շատ են ու դործածական: Առավել շատ տարածված են RB և RBR կառուցվածքի բաղադրությունները:

Այժմ բնենք RB և RS կառուցվածքի բաղադրություններն ըստ նախատիպ հիմքերի խոսքի մասային պատկանելության և բաղադրությունների բառակաղմական նշանակությունների:

Դոյական նախադասությունով բաղադրություններ Տեսականորեն հայերենի բոլոր դոյականները կարող են ստանալ ան- ժխտական նախաձեռնող: Նման բաղադրությունները «նախատիպի ցույց տված առարկան շունեցող» ընդհանուր բառակաղմական նշանակության ածականներ են:

Շատ տարածված են RB կառուցվածքի (նախաձեռնող և արմատական դոյականով կամ հաճախ նաև դոյական-արմատով կազմված) բաղադրությունները: Դրանցից են՝ անահ, անփառ, անհոգ, անամոք, անբախտ, անգուր, անտաղանդ, անտեք, անփող և այլն: Նման բառերի մի խոշոր մասը միայն բուն բառակաղմական նշանակությամբ («նախատիպի ցույց տված առարկան շունեցող») չի օգտագործվում, և ստացել է փոխաբերական իմաստ կամ կիրառություն, ինչպես՝ անամպ, փխբ. «անթախիծ», անանուն, փխբ. «անհայտ, աննշան», անաստված, փխբ. «անգուր», անխիղճ, անաբառ, փխբ. «մաքուր», անաբառ, փխբ. «աղբատ», անգլուխ, փխբ. «անխելք», անսիրտ, փխբ. «անխիղճ, անկուր», անսանձ, փխբ. «անզուսպ» և այլն: Բուն իմաստով գործածական բաղադրություններից են՝ անածանց, անհոգ, անհոլով, անհոգ, անհոլիվ, անձյուն, անհանապարհ. անհարպ, անաղարթ, անսեռ և այլն: Քննարկվող կառուցվածքի բաղադրությունների մի մասը ազատորեն կարելի է դիտել նաև որպես ածանցի հապավումով նախատիպ հիմքերից կազմված ձևեր: Այսպես, օրինակ, անբախտ բաղադրությունը տեսականորեն կարող է դիտվել որպես ան-բախտավոր կազմության արդյունք՝ «ավոր ածանցի անկումով, անհույս բաղադրությունը՝ որպես ան-հույսալի||անհույս, անվտանգ-ը՝ որպես ան-վտանգավոր||անվտանգ և այլն²: Այդ մասին խոսք կլինի համապատասխան ածանցներով նախատիպ հիմքերը քննելիս:

Որպես գոյական նախատիպ հիմքեր RS կառուցվածքում հանդես են գալիս բազմապիսի բաղադրություններ. ինչպես՝

1. R(BR) — մեկ աղմատով և մեկ ածանցով: Նման կազմություններ են՝ անաղուն, անամոց, անաչք, անաբունք, անբաժին, անդիմակ, անելք, անսերունդ և այլն:

2. R(BRR) — մեկ արմատով և երկու ածանցով՝ անզգացմունք, անմեացող և այլն:

3. R(BB)' [նաև R(B + B)] անաղունաց, անանցագիր, անբարբառ, անղասակարգ, անդիվանագետ, անեկամուտ և այլն:

4. R(BBR)' անվայրէջք:

5. R(RB)' անապագա, անապացույց, անաբաղադիր, անվերադարձ և այլն:

Ան- նախաձեռնող արդի գրական հայերենում ի՞նչ ածանցներով կազմված գոյական նախատիպ հիմքերի հետ կարող է առավել շատ զուգորդվել:

² Տե՛ս Մ. Արեղյան, Հայոց լեզվի տեսություն, Երևան, 1965, էջ 220:

ան-...-ակ՝ անտոմսակ. անթիակ. անդիմակ, անշրջանակ, անբլթակ և այլն:

ան-...-ական՝ անթվական, անօգնական և այլն³:

ան-...-ան. անկայուն, անիշխան, անփական, անպատվիրան և այլն:

ան-...-անֆ՝ անմխիթարանֆ, անտենչանֆ, անխղճմտանֆ, անհետևանֆ և այլն:

ան-...-ավոր՝ անթագավոր, անգգնավոր, անուղևոր և այլն:

ան-...-աստ, ան-...-արան, ան-...-աց. ան-...-իչ կազմությունը քիչ բազադրություններ կան. անիմաստ, անհենարան, անապաստարան, աննավագնաց (հնց.), անթարթիչ, անհաղորդիչ.

Մեկ-երկուական օրինակներ կան նաև կազմված -իֆ, -յուն, -մունֆ, -որդ, -ոց ածանց ունեցող նախատիպ հիմքերից. անարգասիֆ, աներախտիֆ, անհրնշյուն, անգգացմունֆ, անմնացորդ, անծածկոց և այլն:

ան-...-ություն R(S) հարաբերությունը նման բազադրությունները գրական լեզվում քիչ են տարածված. առանձին օրինակներ անցել են խոսակցականից. անշինություն և այլն:

Բավական շատ են ան-...-ում կառուցվածքի բազադրությունները. անուսում, անգիշում, անգղջում, անջնջում և այլն:

Սահմանափակ թվով բառեր կազմված են -ույթ, -ուն, -ունդ, -ունֆ, -ուստ, -ուրդ ածանց ունեցող նախատիպերով. անշահույթ, աներևույթ, անկորուն, անաղուն, անսնունդ, անսևունդ, անիրավունֆ:

ան-...-ֆ կառուցվածքի բազադրություններն ամենաշատն են: Որպես նախատիպեր դրված են գերազանցապես միարմատ -ֆ ածանցով բազադրություններ. ինչպես՝ անփառֆ, անպարտֆ, անելֆ, անաչֆ և այլն: Կան նաև՝ անհայրենիֆ, անվայրէջֆ:

Ածականական նախատիպերով բազադրություններ. ժամանակակից հայերենում գործածական՝ արմատական որակական ածականների մեծ մասը ազատորեն ստանում է ան- ժխտական նախածանցը: Նման (RB) կառուցվածքի բազադրությունները ունեն ճանաչատիպի արտահայտած հատկանիշը չունեցող (ոչ-) ընդհանուր բառակազմական նշանակությունը: Օրինակ. անարդար, անարի, անամոֆ, անպահով, անագնիվ, անազատ, անբերի, անպայծառ, անսրափ, անսովոր և այլն: Այսպիսի որոշ բազադրություններ, թեև գրական վկայություններ ունեն հայ նոր գրականության մեջ, սակայն սովորական համարվել չեն կարող. այդի գրականում դրանց փոխարեն ավելի հաճախ կարելի է հանդիպել հոմանիշ բառերի կամ բառակապակցությունների (անդալար, անբարի և այլն): Կան նաև շատ՝ արմատական արժեք ստացած երբեմնի բազադրի նախատիպերով կազմություններ. ինչպես՝ անտխուր և այլն:

Ածականական նախատիպ հիմքերը կառուցվածքային տեսակետից ավելի բազմազան են:

1. R(BR)՝ անպլանային, անպահանջլուտ, անալի, անֆաղափարի, անկարևոր և այլն:

2. R(BRR)՝ R[(BR)R] տարբերակով՝ անպետական, անգործնական, անմոռանալի, անմարդկային, անմեղձեմալի, անժողովրդական և այլն:

³ Նման կառուցվածքի անկուսակցական բազադրությունը ունի «ոչ կուսակցական» իմաստ և ոչ թե «առանց կուսակցական»:

3. $R(BRRR)$ ՝ անհամոզեցուցիչ, անզգայացուցիչ և այլն (միայն բերված տեսակի բայական նախատիպ հիմքերով):

4. $R(BB)$ ՝ $R[(BR)+B]$ տարբերակով՝ անպերնասեր, անպնդակազմ, անպտղարև, աններողամիտ, անշահութաբեր և այլն:

5. $R(BBB)$ ՝ անզգաբափանց (բիշ գործածական):

6. $R(BBR)$ ՝ $R[B(BR)]$ և $R[B+(BR)]$ տարբերակներով՝ անքերմանցիկ, անըրջահայաց, անոտմահարելի, անավարկելի և այլն:

7. $R(RB)$ ՝ անստորագիր, անենթադատ և այլն:

8. $R(RBB)$ ՝ անընդդիմամարտ. անընդդիմակ (հերկուն էլ հզվղ.):

9. $R(RBR)$ ՝ $R[(RB)R]$, $R[(R+B)R]$ և $R[R(BR)]$ տարբերակներով՝ անուարագրելի, անպարփակելի, աննախատեսելի, անտարափոխիկ. անհակա-նառելի, անհամամասնական, անընդօրինակելի և այլն:

10. $R(RBRR)$, որ քիչ է տարածված՝ անվերապատանելի, անարտադրու-ղակամ:

Նշված կաղապարներից ամենապործածականներն են 1-ինը, 2-րդը, 4-րդը, 6-րդը և 9-րդը: Մնացածներով կան սահմանափակ թվով բառեր:

Այժմ քննարկենք ածականական նախատիպ հիմքերը՝ նկատի ունենալով այն կաղամող վերջին ածանցները:

ա՜ն...-ալի||ելի: Այս ածական նախատիպ հիմքով բաղադրությունները ու-նեն «նախատիպի արտահայտած գործողությունը կատարելու կամ կրելու ան-կարող, ունենդունակ» բառակազմական նշանակություն: Այսպիսի կազմու-թյուններ են՝ -ալի նախատիպով, որոնք համեմատաբար քիչ են՝ անոսալի, ան-վերջանալի, անտենչալի, անմոռանալի, անմերձանալի. -ելի նախատիպով՝ ան-երագելի, անդիմադրելի, անբուժելի, անանցանելի, անբաժանելի, անհաղթելի, անհամատեղելի և այլն: Ինչպես երևում է բերված օրինակից, ալի||ելի տարբերակների օգտագործումը պայմանավորված է նախանախատիպ բայի լծորդությամբ՝ անորոշի ձևում -ել վերջավորություն ունեցող բայերից՝ -ելի. ալ-ով ձևերից՝ -ալի:

աւն...-ալի||ելի կազմության շատ բաղադրություններ ունեն անվերջա-ծանց նախատիպ հիմքով կազմվող ձևեր, որոնք հաճախ նոր իմաստ կամ ի-մասնային երանգ են ստանում: Հմտ.՝ անտենչ||ստենչալի, անմոռաց||ան-մոռանալի, անդարձ||անդառնալի, անբաժան||անբաժանելի և այլն:

աւն...-ալի||ելի կազմության բաղադրությունները «ժամանակակից հա-յրց լեզվի բացատրական բառարանի» առաջին հատորի տվյալներով ան-ով կազմված բաղադրությունների կեսից ավելին են կազմում:

աւն...-ակ՝ գործողի անուն նախատիպերից՝ անգիտակ, անընդդիմակ, անհաջողակ, անմեղսագիտակ, անսխալակ և այլն:

աւն...-ական՝ ա) նախորդ բաղադրությունների բառակազմական նշանա-կությունը՝ անցնողական, անշահեկան, անշտապողական, անպետքական, ան-ուզական (հմտ. ժող. անսխալական, անզնացական, անմնացական) և այլն: բ) նախատիպի արտահայտած հատկանիշը շունեցող բառակազմական նշա-նակությամբ՝ անբարոյական, անբաժշտական, անանձնական և այլն:

աւն...-ալին՝ նախատիպի իմաստի բացասման նշանակությամբ (ոչ-)' անսկզբունքային, անպլանային, անհեռանկարային: Հմտ. նաև՝ անմարդկա-յին («հակամարդկային»):

ան-...-ավետ՝ հատկանիշի բացասման նշանակությամբ՝ անարդյունավետ, անշահավետ, անհետավետ, անօգտավետ և այլն:

ան-...-ավոր՝ նույն նշանակությամբ՝ անբեղմնավոր, անբախտավոր, անբազասավոր, անաթանավոր, անկարևոր և այլն: Ավոր- բաղադրիչով բա-
րական և գոյականական նախանախատիպերից կազմված ածական նախատի-
պերով բաղադրություններ կազմելիս -ավոր ածանցը պետք է ընկներ. ինչ-
պես՝ ողնաշարավոր կենդանի-անողնաշար կենդանի, թևավոր հսկա-
անթև հսկա: Սակայն և՛ հնուց եկող, և՛ բազմաթիվ նոր կազմություններ կան,
որոնց մեջ -ավոր ածանցը պահպանված է. օրինակ՝ անողնաշարավոր, աներ-
պասավոր, անփառավոր, հին՝ անհիմնավոր, անընչավոր, անխտավոր, ան-
կերպավոր, անվտանգավոր:

ան-...-իկ՝ ա) ճնախատիպի արտահայտած գործողությունը կատարելու
անկարող՝ բառակազմական նշանակությամբ՝ անազդեցիկ, անբարեկեցիկ,
անտարափոխիկ, անջերմանցիկ, անպայքուցիկ. բ) հատկանիշի բացասման
նշանակությամբ՝ անաշխարհիկ, անտոնմիկ:

ան-...-իչ՝ նախատիպի արտահայտած՝ գործողի հատկանիշի բացասման
նշանակությամբ՝ անգոհացուցիչ, անհամոզիչ, անգզայացուցիչ և այլն:

ան-...-ող՝ աններող, անզիջող, անկարող և այլն:

ան-...-ու՝ ճնախատիպի արտահայտած գործողության հատկանիշի ժրխտ-
ման՝ նշանակությամբ՝ անկնկալու, անկաշառատու, անձեռնու, անվերա-
հասու և այլն:

ան-...-ուն՝ ճնախատիպի արտահայտած գործողությունը կատարելու կամ
վիճակում չի ներու անկարող՝ նշանակությամբ՝ անգործուն, անանուն, անհա-
սուն, անխոհուն, անխոսուն, անդողդոջուն (հզվդ.) և այլն:

նշված կառուցվածքի բաղադրությունների նախատիպերի մի մասը ունի
անվերջաժանց նախատիպ հիմքով ձևեր՝ երբեմն իմաստի տարբերակմամբ.
ինչպես՝ անգզայուն||անզգա, անշարժուն||անշարժ, անհասուն||անհաս և այլն:

Կան նաև այլ՝ համեմատաբար քիչ օրինակներ ընդգրկող կամ ընդամե-
նը մեկ-երկու բաղադրությամբ վկայված կառուցվածքներ, ինչպես՝ ան-...-ած
(անմտածված, անկշռած, անգարգացած). ան-...-ակի (անուղղակի, անորոշա-
կի). ան-...-ան (անբաժան, անաժան), ան-...-աստ (անզգաստ, աներկի-
մաստ). ան-...-արար (անբավարար, անտարար), ան-...-աց (անըջահա-
յաց, անիմաց). ան-...-ի (անալի) ան-...-ին (անսարքին), ան-...-յա (անգոր-
ծունյա), ան-...-ո (անբարո, անհանո), ան-...-ոտ (անվեհերոտ), ան-...-որդ
(անկամորդ. հզվդ.), ան-...-վարի (անփառավարի) և այլն: Հմտ. նաև՝
ան-...-արիմ (անհավատարիմ), ան-...-իմ (անուշիմ), ան-...-վեր (անհամոզ-
կեր), ան-...-ոն (անզգոն) և այլն:

Բայական նախատիպերով բաղադրություններ Այսպիսի բաղադրություն-
ներ կարող են կազմվել ինչպես բայարմատներով, այնպես էլ բայահիմքերով:
Այստեղ, բնականաբար, շեն քննարկվի այն բարդ նախատիպերը, որոնք կազմ-
ված են վերջին բայական արմատով (վերահաս-, ջրատար-, քննադատ-) և
ածական կամ գոյական են: Չենք քննարկի նաև հաբակատարի ու ենթակայա-
կանի ձևերը: Համեմատաբար շատ են այն զուտ բայական նախատիպերը, ո-
րոնք կամ երկու բայական արմատից են բաղկացած, կամ արմատից ու
նախածանցից և կամ էլ քաբարմատից և բայական հիմքակազմ ածանցներից
(անբամբաս-, անառակ-, անընդհատ-, անոռաց- և այլն): Սրանք մեծ մա-

ստմբ ածական կամ մակբայ են և կամ էլ իրենց մեջ համատեղում են երկու խոսքի մասալին կիրառություններն էլ:

1. Նախ քննարկենք արմատական բայական նախատիպ ունեցող բաղադրությունները: Նման բաղադրություններն ունեն «նախատիպի արտահայտած դորոժողությունը կատարելու կամ կրելու անկարող, անընդունակ» ընդհանուր բառակազմական նշանակություն, ընդ որում՝ ժամանակը հասկացվում է խոսքի մեջ և ըստ այնմ էլ բաղադրությունները ստանում են ան-...-ող. ան-...-ած կամ ան-...-ելի բաղադրությունների նշանակություն: Այսպիսի բաղադրություններ են՝ անդաժ, անել, անեղծ, անեփ. անշիռթ, անաշխատ, անանց, անրուծ և այլն:

Հիշյալ և նման բաղադրությունների մեծ մասը նաև մակբայներ են կամ էլ մակբայական կիրառություն ունեն. ինչպես՝ անդաժ (կորչել), անեփ (ուտել), անգաբ (մնալ, մեռնել), անգեղ (վաճառել), անկաբկամ (պատասխանել), անթաղ (մնալ), անխնա (ծախսել), անխոս (հեռանալ) և այլն:

ան+բայական բացարձակ հիմքը⁴, նույն բառակազմական նշանակությամբ և կիրառությամբ՝ անվա, անգզու, աներկբա և այլն:

2. Մի շարք բաղադրություններ կազմված են ան+գրաբարյան պատճառականի հիմք կաղապարով՝ անթափույց, անմատույց, անհատույց⁵. նշված բոլոր երեք կաղապարների բաղադրությունները կարող են դիտվել նաև որպես վերջածանց. ինչպես՝ անեբկբա||աներկբայելի և այլն:

3. ան-...-ում հոսանքականից գեղարվեստական գրականություն են անցել նաև ան- ժխտականով և անկատար դերբայի ձևով մի շարք բաղադրություններ, գերազանցապես մակբայական. ինչպես և ածականական կիրառությամբ⁶. ինչպես՝ անդադրում, անկշտում, անկտտում, անհատում, անհեծում, անհոգում, անպատում:

Կարող է թվալ, թե գրական լեզուն դրանց նմանությամբ նոր բաղադրություններ է կազմում (անգիջում, անգղջում և այլն), սակայն իրականում վերջինները կամ ան+գոյական կառուցվածքի բաղադրություններ են, կամ էլ ջնկալվում են որպես այդպիսին, եթե նախատիպը նույնանում է բայարմատ+ում(ն) կառուցվածքի բայանունների հետ. ինչպես՝ անընկճում, անհատուցում, անհեբում, անմաբում, աններում, անջնջում, անգղջում, անգիջում և այլն:

Արժմ անդրադառնանք այն բաղադրություններին, որոնց մեջ ան-ը հանդես է գալիս որպես նախատիպ հիմքի առաջին բաղադրիչ, Հիշեցնենք, որ այս խմբի բաղադրությունների կառուցվածքային բանաձևը կլինի SR, որտեղ S նախատիպ հիմքը, որպես պարտադիր բաղադրիչ, ունի ան- նախածանցը: Յույց տալու համար, թե հիշյալ կառուցվածքի բաղադրությունները որքան տարածված են, քննում ենք հիմնականում «Ժամանակակից հայոց լեզվի բացատրական բառարանի» 1-ին հատորի տվյալները, անհրաժեշտ դեպքում քա-

⁴ Տե՛ս է. Աղ ա յ ա ն, Ժամանակակից հայերենի հոլովումը և խոնարհումը, Երևան, 1967, էջ 307:

⁵ Ուշագրավ է, որ «Ժամանակակից հայերենի բացատրական բառարանի» 1-ին հատորում անհատույց բնութագրված է որպես ածական և մակբայ, անմատույց՝ ածական, իսկ անթափույց՝ մակբայ, նկատի ունենալով քարտարանում եղած օրինակները:

⁶ Հմմտ. Ա. Մ ու ռ վ ա լ յ ա ն, Հայոց լեզվի բառային կազմը, Երևան, 1955, էջ 257:

ուացաներ լրացնելով այլ բառարանների (հատկապես Ա. Սուքիասյանի «Հայոց լեզվի հոմանիշների բառարանի», Երևան, 1967) օրինակներով:

Քննվող կառուցվածքի բաղադրությունների մի փոքրիկ խումբ որպես երկրորդ բաղադրիչ ունի նախատիպ արմատ կամ այնպիսի նախատիպ հիմք, որի վերջին բաղադրիչը արմատական է: Որպես ան- ածանցով նախատիպ հիմքեր հանդես են գալիս մի քանի բառ՝ անասուն-, անմահ-, անարգ-, անառակ-: Բառակազմությանը, հասկանալի պատճառներով, ամենաշատ մասնակցում է անասն- նախատիպը (անասնաբույժ, անասնաբույծ, անասնագլխավանակ, անասնագույն, անասնախնամ և այլն): Անմահ- նախատիպով ունենք վերոհիշյալ կառուցվածքի անմահանուն բաղադրությունը (հոմանիշների բառարանից՝ անմահաբեռ, անմահածաղիկ բսբ., անարգ- նախատիպով՝ քիչ գործածական՝ անարգալից, անարգակեցաղ, անարգակոծ, անարգահոգի, անարգամահ, անարգամիտ, անառակ- նախատիպով, որի մեջ առակ արմատը միացնած է, մի քանի բառեր):

Շատ են SR կառուցվածքի վերջածանցավոր բաղադրությունները: ան-...-ություն նախատիպերը կազմված են հիմնականում որակական ածականներով, որոնք ցույց են տալիս նախատիպ ածականի արտահայտած հատկանիշի անունը. ինչպես՝ անաղափստություն, անանցություն, անգարդություն, անվախություն, անօրենություն, անսանձություն և այլն: Բառակազմական նշանակություն է սնախատիպ ածականով բնորոշվող վիճակ, ինչպես՝ անկըտություն «անկուշտ լինելը», անընդունակություն «անընդունակ լինելը», համտնակ՝ անխրատություն «անխրատ լինելը», անվախություն «անվախ լինելը», անգիտություն «անգիտ լինելը» և այլն:

Իմաստի յուրահատկություն են ի հայտ գերում այն բաղադրությունները, որոնց նախանախատիպ արմատը գոյական է. ինչպես՝ անահություն, անտաղանդություն, անվախություն, անփողություն և այլն: Սրանք ցույց են տալիս նաև նախանախատիպ գոյականը շունենալը. ինչպես՝ անահություն «ահ չունենալը», անամոքություն «ամոթ չունենալը», անարժեքություն «արժեք չունենալը», անգործություն «գործ չունենալը» և այլն: Որոշ բաղադրյալ ձևերում այդ իմաստը չկա, ինչպես՝ անսարքություն, աննավազնացություն և այլն: Պատճառը պարզվում է, երբ քննում ենք նախատիպերը: Անսարքություն բաղադրության մեջ նախանախատիպն է սարքին, այսինքն ածական է (և ոչ թե սարք), որից ան-...-ություն կաղապարով բաղադրությունը բնականաբար ունի սարքին չլինելը, անսարք լինելը՝ նշանակությունները: Աննավազնացություն բաղադրության մեջ նավազնաց հիմքը ունեցել է «նավարկելի» (ածականական) նշանակություն, որը և տվել է ան-...-ություն բաղադրությունը՝ «նավազնաց, այսինքն՝ նավարկելի չլինելը, աննավարկելի լինելը»:

ան-...-աբար: Այս կաղապարի բոլոր նախատիպերը ան- նախատիպով ածականներ են: Միակ բացառությունը իմաստային անցում կատարած անասուն բառն է, որը այժմ միայն գոյական է: Բաղադրությունները արտահայտում են բայի՝ նախատիպ թառով թնորոշվող հատկանիշ: Այսպիսի բաղադրություններ են՝ անծանոթաբար, անհաստատաբար, անընտրաբար և այլն: Գոյական նախանախատիպերով ունենք՝ անիշխանաբար, անխորհրդաբար, անմահաբար և այլն: Նախատիպ հիմքերի վերջին բաղադրիչը ան-...-աբար կառուցվածքի բաղադրություններում գերազանցապես բայական է, ինչպես՝ անհատաբար, անհամեմատաբար, անխնամաբար, անգիտաբար, անհնաբար

և այլն, Մեկ-երկու բառերում ունենք բայական հիմք՝ անհետևողաբար, անա-
ռադրողաբար, անմոռացաբար, անիմացաբար և այլն: Անսովոր կազմութուն
է անհավանականաբար (նման հիմքերից սովորական են ան-...-որեն բաղա-
դրությունները):

Ան-...-ական: Այս կաղապարով ածական բաղադրությունները կազմված
են երկու կարգի նախատիպերով՝ գոյական (ունեն քիչ բառեր) և ածական:

Դոյական նախատիպերով բաղադրություններն ունեն ճանաչատիպին հա-
տուկ վերաբերող բառակազմական նշանակություն: Այդպիսիք են՝ անաս-
նական, անասնաբուժական, անասնաբուժական, անասնապահական: Հմմտ.
նաև՝ անհատական. որի հիմքը կարող է մեկնաբանվել և՛ որպես գոյականա-
կան, և՛ որպես ածականական (երրորդ՝ ան-հատական չհատվող) մեկնու-
թյունը կեղծ է):

Ածական նախատիպերից կազմված բաղադրությունները կարելի է բա-
ժանել երկու խմբի. ա) որոնց մեջ -ական ածանցը մասամբ սաստկական նշա-
նակություն ունի. բաղադրությունները սովորաբար ունեն փոխաբերական կամ
նաև փոխաբերական իմաստ. օրինակ՝ անզուգական «Ջուլզը, նմանը չունե-
ցող, աննման», անհունական (հզվդ.) «մեծ քանակությամբ, շատ» և այլն:
բ) -ական ածանցի սովորական՝ ճանաչատիպի արտահայտած հատկանիշը
ունեցող՝ նշանակությամբ բաղադրություններ՝ անասովածական (հնց.), ա-
նարգական և այլն:

Կան ան-...-ական բաղադրություններ, որոնք գոյականներ են և ունեն
ճանաչատիպի ցույց տված հասարակական խմբավորմանը՝ կազմակերպու-
թյանը, միությանը և այլն պատկանող՝ բառակազմական նշանակություն.
ինչպես՝ անկախական (հնց.), անասովածական (հմմտ. յակոբինական, միա-
պետական և այլն):

ան-...-ային նախատիպերը մեկ-երկուսն են և ունեն ճանաչատիպին հա-
տուկ, վերաբերող նշանակություն (անասնավաճառային, անասնային): ան-
...-անոց՝ գոյական նախատիպերից ձեռք, շենք և աղյն, որ նախատեսված է,
որտեղ լինում են նախատիպի ցույց տված գոյականները» (անկելանոց, ա-
նասնանոց, անառականոց): անարգ- բայական նախատիպից են կազմված
անարգանք գոյականը և անարգիչ ածականը: Անասնաբուժաբան բաղադրու-
թյունը կարող է մեկնվել որպես՝ անասնաբուժ-արան, անասնա-բուժարան:

ան-...-ապես՝ կազմվում են մակբայներ, նույն բառակազմական նշանա-
կությամբ, ինչ ան-...-աբար կաղապարով: Նախատիպ հիմքի վերջին բաղա-
դրիչը գրեթե միշտ արմատական է կամ գիտակցվում է որպես այդպիսին.
ինչպես՝ անհավասարապես, անհաստատապես, անգիտապես, անպաշտոնա-
պես և այլն:

Մեկ-երկու բաղադրություններում ունենք [R(BR)]- նախատիպ հիմք
(աներևութապես, անարժանապես և այլն): Անհատականապես բաղադրու-
նը ունի [(RB)R] կառուցվածք:

ան-...-իկ բաղադրությունները կազմվում են գոյական նախատիպերից,
որոնց մեջ իկ-ը երբեմն նվազական փառաբանական իմաստ է տալիս նա-
խատիպ գոյականներին: Այդպիսի բաղադրություն է անասնիկ (հզվդ.): Բո-
լոր բաղադրությունները գոյականներ են: ան- բաղադրիչ ունեցող ածական
նախատիպերից փառաբանական-մտերմական երանգով՝ անխոսիկ, անմեղիկ
(հմմտ. անուշիկ, փաղցրիկ, լավիկ):

ան-...-որեն: Բառակազմական նշանակությունը նույնն է, ինչ ան-...-ա-
բար բաղադրություններինը, ըստ որում, որոշ նախատիպ հիմքերով գերա-
զանցապես -որեն ածանցով բաղադրություններ են կազմվում: Օրինակ՝ -որեն
ածանց են ստանում ան-...-ելի նախատիպերը. ինչպես՝ աննկարագրելիորեն,
անբաժանելիորեն և այլն: Գերազանցապես -որեն ածանցման են ենթարկվում
ան-...-ակամ նախատիպերը. (անվիշականորեն, անհատականորեն, անհավա-
նականորեն, անվնասականորեն): Նախընտրելի են նաև ան-...-այն և ան-...
-ացի նախատիպերի որեն- ածանցումները անմարդկայնորեն, անիրավացիորեն
և այլն: Քիչ են ան-...-ումի բաղադրությունները (անասնապահումի, անծա-
նոթումի):

Ան-...-ուկ: Ածականական նախատիպերից կազմվում են՝ ա) ածական-
ներ՝ փաղաքշտկան իմաստով. ինչպես՝ անմեղուկ. բ) գոյական բուսանուն-
ներ, որ գրական լեզու են մտել խոսակցականից կամ կազմվել նրա նմա-
նությամբ. ինչպես՝ անթևուկ, անմոռուկ և այլն:

Ան-...-ում: Այս կաղապարի բառերի մեծ մասը կազմված է վերածու-
թյան-դառնալիություն⁷ բայերից, որոնց նախատիպը ան- բաղադրիչով ածա-
կան է, ինչպես՝ անհամ-, անհայտ-, անհատական-, անմարդ-, անլարժ- և
այլն: Նման հիմքով բառերից ում-ով բայանուն կազմվում է կատարյալի հիմ-
քից՝ անմահացում, աննետացում, անհատականացում և այլն: Այսպիսի նա-
խատիպերով ունենք՝ անշարժացում, անողոքացում, անէացում, անգոյացում,
անգիտացում և այլն:

Բուն գործողություն ցույց տվող բայերից ան-...-ում կաղապարի բայա-
նուններ կազմվում են ներկայի հիմքի նախատիպ ձևերից՝ անտեսում, անար-
գում, աննիտում, անմեղապահում և այլն: Հմմտ.՝ անտեսել||անտեսում և ան-
տեսանալ||անտեսացում (հզվդ.):

МОТИВИРОВАННЫЕ СЛОВА С ПРЕФИКСОМ ԱՆ- В СОВРЕМЕННОМ АРМЯНСКОМ ЯЗЫКЕ

С. А. ГАЛСТЯН

Р е з ю м е

Все слова с начальным формантом ան- делятся на две группы:
а). Слова, в которых ան- является (R) префиксальным морфом моти-
вированного слова от мотивирующего корня (B) или основы (S). Мор-
фемно-словообразовательная формула таких слов RB или RS.
б). Слова, в которых префикс ան- начальный составной компонент
мотивирующей основы—структурная формула (RB или RS) R.

Мотивирующие основы для слов первой группы—простые и моти-
вированные существительные, прилагательные, а также глагольные кор-
ни и основы. Мотивированные слова—прилагательные и существи-
тельные.

От мотивирующих основ с начальным префиксом ան- (структурная
формула (RB)R или (RS)R—вторая группа) ան- мотивация осу-
ществляется суффиксами -ական, -այից, -ապես, -արար, -իկ, -որեն, -ու-
թյուն, -ուկ и -ում.

⁷ Տե՛ս է. Աղայան, նշվ. աշխ., էջ 231: